



# NAFARROAKO PARLAMENTUKO

## ALDIZKARI OFIZIALA

X. legegintzaldia

Iruña, 2023ko martxoaren 29a

52. ZK.

### A U R K I B I D E A

#### E SAILA:

##### **Interpelazioak, mozioak eta adierazpen politikoak:**

- 10-23/DEC-00009. Adierazpen instituzionala, Bangladeshen 2013ko apirilaren 24an Rana Plaza eraikina-  
ren eroria dela-eta. Eledunen Batzarrak onetsia (2. or.).
- 10-23/DEC-00010. Adierazpen instituzionala, zeinaren bidez Nafarroako Parlamentuak bat egiten duen  
Hezkuntzaren aldeko Mundu Kanpainako Espainiako Koalizioak Berdintasunerako Hezkuntzaren alde  
egindako Manifestuarekin, eta aurten ere bat egiten duen Hezkuntzaren aldeko Mundu Astearekin. Eledu-  
nen Batzarrak onetsia (2. or.).

#### G SAILA:

##### **Txostenak, deialdiak eta Parlamentuko informazioa:**

- Enplegua egonkortzeko deialdi salbuespenezkoa, merezimenduen lehiaketa bitartez betetzeko Nafarroako  
Parlamentuaren zerbitzupeko komunikazio-teknikari lanpostu huts bat (A maila), administrazio-kudeake-  
tako erdi mailako teknikariaren lanpostu huts bat (B maila), mantentze-lanetako teknikari-ofizialaren lan-  
postu huts bat (C maila) eta gelazain-lanpostu huts bat (D maila). Izendapen-proposamena (4. or.).
- Nafarroako Parlamentuko lan-egutegia eta Erregistroaren ordutegia aldatzea (5. or.).
- Dirulaguntzen deialdia, 2023ko ekitaldian Garapenerako Hezkuntzako proiektuak egitekoa (6. or.).

---

**E saila:**

**INTERPELAZIOAK, MOZIOAK ETA ADIERAZPEN POLITIKOAK**

---

### **10-23/DEC-00009. Adierazpen instituzionala, Bangladeshen 2013ko apirilaren 24an Rana Plaza eraikinaren eroria dela-eta.**

#### *ELEDUNEN BATZARRAK ONETSIA*

Nafarroako Parlamentuko Eledunen Batzarrak, 2023ko martxoaren 27an egindako bilkuran, honako adierazpen hau onetsi zuen:

“1. Nafarroako Parlamentuak elkartasuna adierazten die Bangladeshen 2013ko apirilaren 24an Rana Plaza eraikinaren eroriak kaltetutakoei, eta nazioarteko erakundeei, gobernuei eta organizazioei dei egiten die neurri eraginkorrak har ditzaten, orain dela 10 urte bizi zen egoera hura bezalakorik berriz ere ez gertatzeko.

2. Nafarroako Parlamentuak bere borondatea agertzen du, Nafarroako Gobernuak Europako eta Estatuko legedi bat babestearen aldekoa, beharrezko arretaren eta giza eskubideen arloan, non bermatuko baita giza eskubideak benetan betetzea ehungintzako industria globalean”.

Iruñean, 2023ko martxoaren 27an

Lehendakaria: Unai Hualde Iglesias

---

### **10-23/DEC-00010. Adierazpen instituzionala, zeinaren bidez Nafarroako Parlamentuak bat egiten duen Hezkuntzaren aldeko Mundu Kanpainako Espainiako Koalizioak Berdintasunerako Hezkuntzaren alde egindako Manifestuarekin, eta aurten ere bat egiten duen Hezkuntzaren aldeko Mundu Astearekin.**

#### *ELEDUNEN BATZARRAK ONETSIA*

Nafarroako Parlamentuko Eledunen Batzarrak, 2023ko martxoaren 27an egindako bilkuran, honako adierazpen hau onetsi zuen:

“Nafarroako Parlamentuak:

1. Bat egiten du Hezkuntzaren aldeko Mundu Kanpainako Espainiako Koalizioak Berdintasunerako Hezkuntzaren alde egindako Manifestuarekin, eta aurten ere bat egiten du Hezkuntzaren aldeko Mundu Astearekin.

2. Konpromisoa hartzen du lanean jarraitzeko genero-berdintasuna egon dadin hezkuntzaren sektoreko politiken eta planen erdigunean, eta behar den aurrekontuaz hornitzeko. Genero-desberdinkerien eta haien azpiko faktoreak identifikatu eta haiei heltzea lehen haurtzarotik, genero-

arau, -estereotipo eta -jarduketa kaltegarriak eraldatzeko asmoz.

3. Beharrezkotzat jotzen du datu desagregatuak sortzea hezkuntzako politika eta aurrekontuek duten genero-inpaktuari dagokionez, aurrerabidea neurtzeko eta abiarazitako neurrien gaineko ebidentziak eskuratzeko. Ikaspenaren eta ikasketako aurrerabidearen emaitzak monitorizatzea generoaren eta beste aldagai interseksional batzuen arabera.

4. Bere konpromisoa adierazten du, hezkuntzan inbertsioa areagotzeko eta behar diren baliabideak jartzeko programa eta proiektuetan, zeinek hezkuntza-kalitatea hobetuko duten eta berdintasunerako hezkuntza-ereduak garatuko dituzten, aldi berean ezabatuz diskriminazioa sorrarazten

duten faktoreak (etnia, desgaitasuna, egoera ekonomikoa...).

5. Beharrezkotzat jotzen du neska txikiek eta nerabeek STEM ikasketa eta karreretan parte hartzea sustatuz jarraitzea, bai eta mutil txikiek eta nerabeek zainketen lanbideetan, karrera profesionalen inguruko estereotipoak eta lerratzeak ezabatzeke.

6. Bere konpromisoa adierazten du, eskolaurreko hezkuntza unibertsal eta kalitatezkoaren alde, haurrei laguntze aldera eskolarako prestaketan, halako moduz non kontziliazioa erraztu eta genero-desberdinkeria gehiago egotea saihestuko den familia arloan.

7. Ezinbestekotzat jotzen du sexu-hezkuntza integrala garatzen eta zabaltzen jarraitzea, eskubiak oinarri hartu eta sexu- eta ugalketa-osasunerako berdintasuna eta inklusioa sustatzen dituen, haurrei, nerabeei eta gazteei laguntzeko ezagutzak eskuratu, balio eta jarreretan ikertu eta trebeziak garatzeari begira, beharrezkoak edukiko dituztenak beren osasun eta ongizatea sustatzeko, genero-indarkeriari aurre egiteko eta nera-

been nahi gabeko haurdunaldiak murrizteko, testuinguru guztietan.

8. Bere konpromisoa adierazten du, genero-ikuspegiko hezkuntzaren arloan espainiar kooperazioan finantzazioa handitzeko eta lanean jarraitzeko Garapenerako Laguntza Ofizialera gutxienez ere Errenta Nazional Gordinaren % 0,7 bideratzeko, % 20 bideratu beharko baita hezkuntzara eta % 10 laguntza humanitariora, azken horren % 10 larrialdietarako hezkuntzara.

9. Bere konpromisoa adierazten du, kontuan hartzeko hezkuntzan genero desberdintasun esanguratsuak dituzten herrialdeetako egoera eta inbertsioak bideratzeko hezkuntza-sistemaren gaitasunak sortzera. Herritartasun Globalerako eta Garapenerako Hezkuntzako programak babestea, Garapenerako Laguntza Ofizialaren % 3, gutxienez ere erabiliz herritartasun kritikoa sortzeko, berdintasunaren aldeko diskurtso eta praktikak sendotuko dituena”.

Iruñean, 2023ko martxoaren 27an

Lehendakaria: Unai Hualde Iglesias

---

**G saila:**  
**TXOSTENAK, DEIALDIAK ETA PARLAMENTUKO INFORMAZIOA**

---

**Enplegua egonkortzeko deialdi salbuespenezkoa, merezimenduen lehiaketa bitartez betetzeko Nafarroako Parlamentuaren zerbitzupeko komunikazio-teknikari lanpostu huts bat (A maila), administrazio-kudeaketako erdi mailako teknikariaren lanpostu huts bat (B maila), mantentze-lanetako teknikari-ofizialaren lanpostu huts bat (C maila) eta gelazain-lanpostu huts bat (D maila).**

*IZENDAPEN-PROPOSAMENA*

Nafarroako Parlamentuko Mahaiak, 2023ko martxoaren 27an egindako bilkuran, erabaki hau hartu zuen, besteak beste:

Nafarroako Parlamentuko Mahaiak, 2022ko abenduaren 12ko erabakiaren bidez, enplegua egonkortzeko salbuespenezko deialdi bat onetsi zuen, merezimenduen lehiaketa bitartez betetzeko Nafarroako Parlamentuaren zerbitzupeko komunikazio-teknikari lanpostu huts bat (A maila), administrazio-kudeaketako erdi mailako teknikariaren lanpostu huts bat (B maila), mantentze-lanetako teknikari-ofizialaren lanpostu huts bat (C maila) eta gelazain-lanpostu huts bat (D maila). Deialdia 2022ko abenduaren 27ko 259. Nafarroako Aldizkari Ofizialean eta 2022ko abenduaren 15eko 143. Nafarroako Parlamentuko Aldizkari Ofizialean argitaratu zen. Deialdi horretako epaimahaiak, 2023ko martxoaren 21ean, lanpostu bakoitzean lehenbiziko postuan geratu diren izangaien aldeko izendapen-proposamena aurkeztu du,

Nafarroako Parlamentuaren Langileen Estatu-tuaren 5. artikuluan eta Nafarroako Parlamentuaren Erregelamenduaren 37. artikuluan ezarritako-arekin bat, ERABAKI DA:

**1.** Merezimenduen lehiaketa bitartez Nafarroako Parlamentuaren zerbitzupeko komunikazio-teknikari lanpostu huts bat (A maila), administrazio-kudeaketako erdi mailako teknikari lanpostu huts bat (B maila), mantentze-lanetako teknikari-ofizial lanpostu huts bat (C maila) eta gelazain lanpostu huts bat (D maila) betetzeko enplegua egonkor-

tzeko deialdi salbuespenezkoan izendatutako epaimahaiak emandako izendapen-proposamena onestea. Honako hauek dira deialdiaren lanpostu bakoitzean guztira puntu gehien lortu duten izangaiak:

– Joseba Martínez Itoiz jauna (komunikazio-teknikaria, A maila).

– Francisca Palma Romero andrea (administrazio-kudeaketako erdi mailako teknikaria, B maila).

– Florencio José Enecoiz Segura jauna (mantentze-lanetako teknikari-ofiziala, C maila).

– Ana Isabel Esnoz Larrey andrea (gelazaina, D maila).

**2.** Joseba Martínez Itoiz jaunari, Francisca Palma Romero andreari, Florencio José Enecoiz Segura jaunari eta Ana Isabel Esnoz Larrey andreari eskatzea Legebiltzarreko Erregistro Orokorrean aurkez dezaten deialdiko 8.3 oinarrian adierazten den dokumentazioa, 30 egun naturaleko epean erabaki hau Nafarroako Aldizkari Ofizialean argitaratu eta biharamunetik zenbatzen hasita.

**3.** Erabaki hau interesdunei jakinaraztea eta Nafarroako Parlamentuko Aldizkari Ofizialean eta Nafarroako Aldizkari Ofizialean argitara dadin agintzea.

Iruñean, 2023ko martxoaren 27an

Lehendakaria: Unai Hualde Iglesias

## **Nafarroako Parlamentuko lan-egutegia eta Erregistroaren ordutegia aldatzea.**

Nafarroako Parlamentuko Mahaiak, 2023ko martxoaren 27an egindako bilkuran, erabaki hau hartu zuen, besteak beste:

Nafarroako Parlamentuko Langileen Batzordeak eskatu du hauteskundeak deitzeko foru dekretua onesten denetik Parlamentu berria eratu bitarteko lan-ordutegia goizekoa izan dadila, betiere zerbitzuaren beharrek horretarako aukera ematen badute.

Parlamentuko ordezkarien eta Parlamentuko Langileen Batzordearen arteko 2002. eta 2003. urteetarako Hitzarmeneko 3.2 apartatuarekin, indarrean den Hitzarmeneko 10. apartatuarekin eta Nafarroako Parlamentuko Langileen Estatu-tuaren 37. artikuluekin bat etorritz, hona ERABAKIA:

**1.** Mahaiaren 2022ko azaroaren 21eko erabakia aldatzea, zeinaren bidez 2023ko lan-egutegia

onetsi baitzen, eta 2. bis apartatu berri bat sartzea. Hona testua:

“2. bis. 2023ko apirilaren 3tik Parlamentu berria eratu bitartean goizeko lanaldia ezarriko da. Halere, hori ez da eragozpen izanen goizeko ordutegitik kanpoko Legebiltzarreko lana betetzeko etorri beharreko langileak etor daitezzen”.

**2.** Nafarroako Parlamentuko Erregistroaren ordutegia, Mahaiaren 2022ko azaroaren 21eko erabakiaren bidez onetsitakoa, aldatzea; halatan, 2023ko apirilaren 3tik Parlamentu berria eratu bitartean 09:00etatik 14:30era egonen da zabalik.

**3.** Erabaki hau Nafarroako Parlamentuko Aldizkari Ofizialean argitaratzea.

Iruñean, 2023ko martxoaren 27an

Lehendakaria: Unai Hualde Iglesias

## Dirulaguntzen deialdia, 2023ko ekitaldian Garapenerako Hezkuntzako proiektuak egitekoa.

Nafarroako Parlamentuko Mahaiak, 2023ko martxoaren 27an egindako bilkuran, erabaki hau hartu zuen, besteak beste:

Nafar gizarteak askotan erakutsi du behar-tsuenekiko elkartasuna, eta ildo berean jarduketa garrantzitsuak egin dira, arauen arloan zen exekutiboan.

Pobrezia Desagerraraztearen aldeko Nazioarteko Eguneko ekitaldien baitan, eta talde parlamentario guztien elkarlanari eta horien eta gizarte zibil antolatuaren elkarlanari esker, Nafarroako Parlamentuko Eskubide Sozialetako Batzordeko kideek Pobreziaren eta Desberdinkeriaren aurka Nafarroako Ituna (2021-2030) sinatu zuten Gizarte Entitateen Plataformarekin. Itunaren helburua da, besteak beste, aurrera egitea Nazio Batuen Biltzar Nagusiak 2015eko irailean onetsitako Garapen Jasangarrirako 2030 Agendak ezarritako bidean. Gainera, Pobreziaren eta Desberdinkeriaren aurkako Nafarroako Ituna (2021-2030) Nafarroako Parlamentuaren konpromisoa, garapenerako hezkuntzaren arloko proiektuen deialdiari eustekoa, jasotzen du, 2024. urterako Parlamentuaren aurrekontuaren % 0,7ra iristeko xedearekin.

Nafarroako Parlamentuko Kontu-hartzaitza eta Gai Ekonomikoetarako Zerbitzuak txosten bat taxutu du, 2023ko ekitaldian Garapenerako Hezkuntzako proiektuak egiteko dirulaguntzen deialdia –bai eta kasuko oinarri arautzaileak ere– onesteari begira. Espedientea txosten juridikoarekin eta Kontu-hartzaitzak egindako gastu-fiskalizazioarekin osatu da.

Horiek horrela, Nafarroako Parlamentuaren Erregelamenduko 37. artikuluan ezarritakoari jarraikiz, Nafarroako Parlamentuko Mahaiak honako hau ERABAKI DU:

**1.** 2023ko ekitaldian Garapenerako Hezkuntzako proiektuak egiteko dirulaguntzen deialdia onestea.

**2.** Guztira 90.000 euroko gastua baimentzea, Nafarroako Parlamentuaren 2023ko ekitaldirako gastuen aurrekontuko 48207 “Garapenerako eta elkartasunerako jardueretarako dirulaguntzak” partidaren kargura.

**3.** Erabaki honen eranskinean jasotzen diren deialdiaren oinarri arautzaileak onestea.

**4.** Erabaki hau eta kasuko eranskinak Nafarroako Parlamentuko Aldizkari Ofizialean eta Nafarroako

Aldizkari Ofizialean argitara daitezzen agintzea.

Iruñean, 2023ko martxoaren 27an

Lehendakaria: Unai Hualde Iglesias

### 2023ko ekitaldian Garapenerako Hezkuntzako proiektuak egiteko dirulaguntzen deialdia arautzen duten oinarriak

Lehena.- Xedea eta helburua.

Bigarrena.- Entitate onuradunak.

Hirugarrena.- Esku-hartzearen betekizunak.

Laugarrena.- Dirulaguntzen bateragarritasuna.

Bosgarrena.- Eskaerak aurkeztea.

Seigarrena.- Aurkeztu beharreko dokumentazioa.

Zazpigarrena.- Dirulaguntza emateko prozedura antolatzeke, instruitzeko eta ebazteko eskumena duten organoak.

Zortzigarrena.- Entitate onuradunen betebeharrak.

Bederatzigarrena.- Dirulaguntzaren aurrerakina, ordainketa eta justifikazioa.

Hamargarrena.- Dirulagungarri diren gastuak.

Hamaikagarrena.- Balorazio-irizpideak.

Hamabigarrena.- Errekurtsoak:

#### Lehena.- Xedea eta helburua.

Nafarroako Parlamentuak aurreko ekitaldieta-ko bidetik jarraitzen du eta, ahal duen neurrian, laguntzen du garapen jasangarrirako helburuak lortzen eta mundu zuzenagoa, baketsuagoa, tolerantetagoa, inklusiboagoa eta jasangarriagoa eraikitzen. Xede horrekin, dirulaguntza-deialdi hau onetsi du, Garapenerako Sentsibilizazio eta Hezkuntzako esku-hartzeak Nafarroan egiteko. Esku-hartzeen helburua izanen da garapen-bidean dauden herrialdeek pairatzen dituzten problemekin zerikusia duten alderdietan eta horien zergatietan sentsibilizatu edo prestakuntza ematea, eta mundu globalizatuari buruzko ulermena erraztea, jarrera kritikoa eta errealitatearekin konprometitua ernaraziz, txirotasunaren aurkako borrokarekiko konpromisoa eta erantzukidetasuna sortuko dituen. Nazio Batuen Batzar Nagusiak Garapen Jasangarrirako 2030eko Agendan onartu dituen Garapen Jasangarriko Helburuetakoren bat garatu beharko dute esku-hartzeek.

Horretarako 90.000 euro bideratuko dira, Nafarroako Parlamentuaren 2023ko ekitaldirako Gas-tuen Aurrekontuan berariaz onetsitako partida honetatik: 48207 “Garapenaren eta elkartasunaren arloko jardueretarako dirulaguntzak”.

Dirulaguntzei buruzko azaroaren 9ko 11/2005 Foru Legearen 17.1. artikularekin bat etorri, deialdia norgehiagoka-araubidean izapidetuko da.

#### **Bigarrena.- Entitate onuradunak.**

Honako betekizun hauek betetzen dituzten entitateak izan ahalko dira dirulaguntzaren onuradun:

- Zein bere izaeraren arabera legez eraturako pertsona juridikoak izatea, eta inskribatuta egotea Garapenerako Nazioarteko Lankidetzako Espainiako Agentziako Garapenerako Gobernuz Kanpoko Erakundearen Erregistroan (AECID).

- Nafarroan egoitza soziala edo ordezkari-iraunkorra izatea.

- Dirulaguntzei buruzko azaroaren 9ko 11/2005 Foru Legearen 13. artikuluko 2. eta 3. apartatuetan azaltzen diren egoeretako batean ere ez egotea.

Dirulaguntzei buruzko azaroaren 9ko 11/2005 Foru Legearen 8.3 artikularen arabera, onuradun izan ahalko dira, halaber, elkartuta aurkezten diren entitateak, aurreko paragrafoan adierazitako baldintzak betetzen badituzte eta, betiere, Dirulaguntzei buruzko azaroaren 9ko 11/2005 Foru Legearen 8.3 artikuluan ezarritakoa betetzen badute.

#### **Hirugarrena.- Esku-hartzearen betekizunak.**

- Helburu gisa edukitzea lehen oinarrian jasotakoa.

- 2023ko ekitaldian exekututzea. • Hala ere, dirulaguntzaren xede den jarduna ohikotasunez garatzen den urte-aldia ez datorrenean bat aurrekontu-ekitaldiarekin –esaterako, ikasturtea–, jarduera horretarako dirulaguntzak urte-aldi horretara moldatzen ahalko dira eta, halakoetan, zilegi izanen da jarduera 2024ko ekainaren 30erako amaitzea.

- Jarduerak Nafarroako Foru Komunitatearen lurralde-eremuan garatuko dira.

- Nafarroako Parlamentuak diruz lagundu beharreko gehieneko zenbatekoa: 13.000 euro.

Esku-hartzearen garapena eraldatu edo zailtzen duten gorabeherak gertatuz gero, zilegi izanen da harduera horiek egiteko epeak luzatzea. Horretarako, Nafarroako Parlamentuko Erregistro

Orokorrean (erregistroa@nafarroakoparlamentua.eus) eskabide-orri bat aurkeztu beharko da, Kontu-hartzailletza eta Gai Ekonomikoetarako Zerbitzuari zuzendua, epea luzatzea eskatu eta azaltzen dituen esku-hartzea hasiera batean aurreikusitako epean gauzatu ezinaren arrazoiak. Edonola ere, jarduerak egiteko gehieneko epea 2024ko ekainaren 30ean amaituko da.

#### **Laugarrena.- Dirulaguntzen bateragarritasuna.**

Deialdi honetan aurreikusitako dirulaguntzak bateragarriak dira jarduera garatzeko lor daitezkeen beste batzuekin, eta emaileak izan daitezke administrazio publikoak, beste erakunde publiko edo pribatu batzuk nahiz partikularrak, nazionalak edo nazioartekoak.

Emandako dirulaguntzaren zenbatekoak, bere horretan edo beste dirulaguntza, laguntza edo diru-sarrera batzuekin edo dirulaguntzaren xede den jardueraren baliabide berekiekin batera, ezin izanen du ezein kasutan gaintu diruz lagundutako jardueraren kostua.

#### **Bosgarrena.- Eskaerak aurkeztea.**

Entitate eskatzaile bakoitzak gehienez eskaera bat aurkeztu ahalko du. Eskaeratzat zenbatuko dira bai bakarka aurkeztutakoak bai entitate-elkarre baten parte izanik aurkeztutakoak. Baldin eta entitate batek bakarkako eskaera bat eta beste entitate batzuekiko elkartean eginiko beste eskaera bat aldi berean aurkezten baditu, bi eskaera horiek deialditik kanporatuak izanen dira.

Eskaera, interesa duen entitatearen legezko ordezkariak sinatua, Nafarroako Parlamentuko Erregistro Orokorrean aurkeztuko da, edo Administrazio Publikoen Administrazio Prozedura Erkideari buruzko urriaren 1eko 39/2015 Legearen aurreikusitako erregistroetatik edozeinetan, gehienez ere 15 egun balioduneko epean, deialdi hau Nafarroako Aldizkari Ofizialean argitaratzen denean hasita.

Nafarroako Parlamentuko Erregistroan aurkezteko, seigarren oinarrian adierazitako dokumentazioa posta elektronikoki bidez igorri beharko da, digitaaloki sinaturiko Nafarroako Parlamentuko eskabide orokor batez lagunduta, honako helbide honetara: erregistroa@nafarroakoparlamentua.eus

Nafarroako Parlamentuko eskabide orokorra Nafarroako Parlamentuaren webgunetik deskargatu daiteke: <https://www.parlamentodenavarra.es/es/contactar>.



**Seigarrena.- Aurkeztu beharreko dokumentazioa.**

Eskabide orokorrek batera, entitate eskatzaileek honako dokumentazio hau aurkeztu beharko dute:

**I) Dokumentazio orokorra:**

a) Deialdian adierazitako eredia (I. eranskina) erabili behar da dirulaguntzaren eskaera egiteko, eta bertan entitate eskatzaileak adierazi behar du bigarren oinarrian ezarritako betekizun guztiak betetzen dituela.

b) Garapenerako Nazioarteko Lankidetzako Espainiako Agentziako Garapenerako Gobernuz Kanpoko Erakundearen Erregistroan egindako inskripzioaren ziurtagiria, Nafarroako Foru Komunitatearen lurraldean dagoen ordezkariaren edo egoitzaren aipamenarekin. Deialdi hau argitaratu baino urtebete lehenago jaulkitakoa izanen da gehienez ere.

c) Erantzukizunpeko adierazpena, entitatearen ordezkariak elektronikoki sinatua, non ziurtatuko baita ezen entitate eskatzaileak bete egiten dituela erakunde onuraduna izan ahal izateaz Dirulaguntzei buruzko azaroaren 9ko 11/2005 Foru Legearen 13. artikuluan ezarritako betekizunak (II. eranskina).

d) Entitate-elkarteen kasuan, entitate bakoitzaren dokumentazioaz gain, honako hauek aurkeztuko dira:

d.1) Entitate-elkarteen eratzegiria. Elkarteak nortasun juridiko berekirik ez badu, eratzegirian espresuki izendatua agertu beharko da ahalordegun edo ordezkari bakarra, elkarteak onuradun gisa izanen dituen betebeharrak betetzeko ahalorde nahikoak izanen dituen, eta Dirulaguntzei buruzko azaroaren 9ko 11/2005 Foru Legean aurreikusitako preskripzio epea amaitu arte elkartea ez desegiteko konpromisoa ere agertu beharko da.

d.2) Honako hau azaltzen duen agiria: elkar-entitate bakoitzak proiektuaren exekuzioan zer funtzio eta eginkizun hartuko dituen bere gain, elkartearen izenean eta haren kontura; eta elkar-entitate bakoitzari aplikatuko zaion dirulaguntzaren zenbatekoa.

e) Transferentzia bidez ordaintzeko eskaera, alde aurretik aurkeztu ez bada, edo Nafarroako Parlamentuak lehenagotik emandako dirulaguntzak ordaintzeko erabili den banku-kontua aldatu bada.

f) Emandako dirulaguntza osoa aurretik ordaintzea zilegi den kasuetako entitateei dagokienez,

9.1 oinarrian adierazitako dokumentazioa aurkeztuko da.

Eskaerak ez baditu ezarritako betekizunak betetzen, interesdunari aginduko zaio gehienez hamar eguneko epean akatsa zuzendu dezan edo aginduzkoak diren dokumentuak aurkez ditzan. Ohartaraziko zaio ezen, hala egiten ez badu, eskaeran atzera egintzat joko dela, aurrez ebazpena emanda. Ebazpen hori Administrazio Publikoaren Administrazio Prozedura Erkideari buruzko urriaren 1eko 39/2015 Legearen 21. artikuluan ezarritako moduan eman beharko da.

Baloratzeko aurkezten den dokumentazio oro ez da inoiz ere zuzenduko.

**II Baloratzeko dokumentazioa:****A) Esperientzia:**

a) Azken lau urteetan administrazio publikoek finantzatutako Garapenerako hezkuntza eta sentsibilizazio proiektuen zerrendadun taula (III. eranskina).

b) III. eranskinean adierazitako dirulaguntzak emateko ebazpenaren kopia, edo agiri balioidea.

B) Esku-hartzeari buruzko oroitidazki teknikoak. Gutxienez ere, IV. eranskinean jasotako informazioa izan beharko du.

Hura transkribatzeko Arial 11 letra erabiliko da, 1 lerroartean. Berdintasunaren aldeko eta bazterketaren kontrako hizkera erabiliz idatzi beharko da. Pertsonen buruzko datu guztiak sexuaren arabera bereizita egon beharko dute.

C) Esku-hartzeari buruzko oroitidazki ekonomikoak (kalkulu-orrian).

**Zazpigarrena.- Dirulaguntza emateko prozedura antolatze, instruitze eta ebazteko eskumena duten organoak.**

Nafarroako Parlamentuko Zerbitzu Orokorrak eta Kontu-hartzailetza eta Gai Ekonomikoetarako Zerbitzuetako teknikariek osatutako balorazio-batzordeak antolatuko du prozedura. Kide anitzeko organo horrek ebaluatuko ditu eskaerak, eta haren irizpena loteslea izanen da.

Nafarroako Parlamentuko Kontu-hartzailetza eta Gai Ekonomikoetarako Zerbitzua izendatzen da instrukzio organo. Instrukzio organoak, eskaeren ebaluazioa ikusirik, ebazpen proposamena egingen du.

Nafarroako Parlamentuko Mahaiak berriaz hartutako erabakiaren bidez ebatziko da dirulaguntzak emateari buruz, instrukzio organoak proposatutako txostena oinarri hartuta.



Eskaerak aurkezteko epea amaitzen denetik hiru hilabete igarotakoan ebazpen espresurik jakinarazi ez bada, eskaera ezetsi dela ulertu ahalko da.

### **Zortzigarrena.- Entitate onuradunen betebeharrak.**

Dirulaguntza jasotzen duten entitateek betebeharrak izanen dituzte:

a) Esku-hartzea eskaeran deskribatu duten moduan egitea.

b) Betekizunak eta baldintzak betetzen dituztela frogatzea Nafarroako Parlamentuko Kontu-hartzailetza eta Gai Ekonomikoetarako Zerbitzuari.

c) Diruz lagundutako jarduera finantzatzeko beste laguntza, diru-sarrera edo baliabide batzuk jasotzen badituzte, jakinaren gainean jartzea Nafarroako Parlamentuko Kontu-hartzailetza eta Gai Ekonomikoetarako Zerbitzua.

d) Dirulaguntza emateko ebazpena ematen den unean egunean edukitzea beren zerga betebeharrak eta Gizarte Segurantzarekikoak.

e) Nafarroako Parlamentuarekin elkarlanean proiektuaren berri zabaltzea, Nafarroako iritzi publikoa garapenerako lankidetzari buruz sentikortzeko.

Nafarroako Parlamentuak entitate onuradunei dei egiten ahalko die Nafarroako Parlamentuan egiten den ekitaldi publiko batean parte har dezaten. Bertan diruz lagundutako proiektuaren exekuzioa aurkeztuko da.

f) Jarduerak egiteko erabiltzen dituzten baliabideetan eta materialetan agerraraztea Nafarroako Parlamentuak finantzatuta egiten direla jarduerak.

Nafarroako Parlamentuak ez du bere gain hartzen proiektuaren exekuzioa dela-eta argitaratutako materialen edukia.

g) Organo emaileak egiaztapen eta kontrol jarduketak egin ditzan onartzea.

h) Jasotako funtsak zertarako erabili diren frogatzen duten agiriak gordetzea, egiaztapen eta kontrol jarduketetarako beharrezkoak izan daitezkeen bitartean.

i) Dirulaguntzei buruzko azaroaren 9ko 11/2005 Foru Legearen 35. artikuluan aurreikusitako kasuetan, jasotako funtsak itzultzea.

j) Entitate onuradunak eman zaion dirulaguntzari uko egitea erabakiz gero, bi hilabeteko epean egin beharko du uko, laguntza eman zaiola jakinarazi zaion egunetik zenbatuta. Uko egitea Kontu-hartzailetza eta Gai Ekonomikoetarako Zerbitzuari

zuzenduko zaio, Nafarroako Parlamentuko Erregistro Orokorrean (erregistroa@nafarroakoparlamentua.eus) aurkeztutako idazki baten bidez.

Aldez aurretik ordaindutako zenbatekoa itzuli beharko du, Kontu-hartzailetza eta Gai Ekonomikoetarako Zerbitzutik adierazitako prozeduraren bidez. Uko eginiko zenbatekoa, behin Nafarroako Parlamentuak jasota, hamaikagarren oinarrian eskatutako gutxieneko puntuazioa lortu arren aurrekontuan diru erabilgarri aski ez egoteagatik laguntzarik eskuratu ez duten proiektuei esleitzen ahalko zaie.

### **Bederatzigarrena.- Dirulaguntzaren aurrerakina, ordainketa eta justifikazioa.**

1. Dirulaguntzei buruzko 11/2005 Foru Legearen 33. artikuluan ezarritakoarekin bat etorritik, baliabide nahikorik ez izatea behar bezala frogatzen duten entitateen kasuan, dirulaguntzaren ordainketa bakarria eta aurreratua egiten da, diruz lagundutako jarduera behin-behineko finantzatzeko. Horretarako, eskaerarekin batera aurkeztu beharreko dokumentazioari erantsita, entitatearen edo elkartearen ordezkariak elektronikoki sinatutako ziurtagiria aurkeztu beharko da, jarduera egiteko baliabide nahikorik ez dagoela adieraziko duena.

2. Gainerako entitateei aldez aurretik ordainduko zaie emandako dirulaguntzaren % 60 adinako zenbatekoa. Emandako dirulaguntzaren zenbateko osora iritsi artekoa diruz lagundutako proiektua amaitutakoan ordainduko da, ordainketa bakarrean. Aldez aurretik, entitate onuradunak justifikatu egin beharko du egindako jarduera.

Dirulaguntzaren aldez aurretiko ordainketa deialdi hau ebaztearekin batera egiten da.

Dirulaguntza egiazki ordaintzeko, beharrezkoa izanen da entitateak aurkeztua izatea transferentzia-abonua eskatzeko agiria, diru-sarrera egin behar den banku-entitateak datuz behar bezala beteta.

3. Esku-hartzea amaitu eta gehienez ere ondo hila batean aurkeztuko da haren justifikaziorako dokumentazioa, eta honako agiri hauek bilduko ditu:

- Entitate onuradunaren legezko ordezkariak sinaturiko erantzukizunpeko adierazpena, justifikazio-txostena osatzen duten agirietan jasotako datuen egiazkotasunari buruzkoa.

- Esku-hartzearen oroitidazki teknikoak, dagozkion egiaztapen-iturriekin, hala behar denean.

- Oroitidazki ekonomikoa, non azalduko baita esku-hartzearen aurrekontuaren betearazpena,

exekuzioan eginiko gastu guztiak xehakatur eta adierazita zer jarduerari dagozkion eta nor den finantzatzailea.

- Nafarroako Parlamentuaren dirulaguntzaren kargura eginiko gastu eta ordainketa guztien ziurtagiriak. Gastuak frogatzeko, fakturak eta ordainagiriak aurkeztuko dira, edo gainerako frogagiri baliokideak, merkataritzako trafiko juridikoan baliozkoak direnak edo eraginkortasun administratiboa dutenak. Langileen gastuak frogatzeko, hila-beteko laburpenak ere aurkeztuko dira, proiektuari egozten zaion langile bakoitzaren ordutegi eta jarduerarekin.

Agiri guztiek eginbide-zigilua izango dute, eta bertan adieraziko da Nafarroako Parlamentuak finantzatu dituela jarduerak. Eginbideak jasoko ditu, gutxienez, "Nafarroako Parlamentuak finantzatua" legenda eta Nafarroako Parlamentuak emandako dirulaguntzaren kargura finantzatutako zenbatekoa edo ehunekoa.

- Nafarroako Parlamentuaren ez den finantzaketarekin eginiko gastuen kasuan, entitateak berak emandako ziurtagiri bat aurkeztuko da, funts pribatuen kasuan, edo zenbatekoa eta proiektua jasotzen dituen aldeko ebazpenaren kopia bestelako dirulaguntza publikoen kasuan.

- Berariazko adierazpena: ea proiektuak beste laguntza edo dirulaguntzarik jaso duen, eta, baiezkoan, jasotako zenbatekoen eta horien iturrien xehetasunak.

Aurkeztutako agiritan oinarrituta, balorazio-batzordeak egin den jardunari eta horren justifikazioari buruzko txosten bat bidaliko dio instrukzio-organoari. Txosten horri jarraikiz, instrukzio-organoak proposamena eginen dio Nafarroako Parlamentuko Mahaiari, exekutaturiko ekintzaren justifikazioa onetsi dezan, kasua bada, justifikazioa onetsi eta ordainketa agin dezan, edo bestela itzulketa-espeditante bati ekitea proposa dezan, Dirulaguntzei buruzko Foru Legearen 35. artikulua ezarritakoaren arabera.

#### **Hamargarrena.- Dirulaguntzarri diren gastuak.**

- Dirulaguntzarri diren gastutzat jotzen dira diruz lagundutako jardueraren izaerari zalantzarik gabe erantzuteaz gain jarduera hura burutzeko ezarritako epearen barruan egiten direnak. Gastu dirulaguntzarrien eskuratze-kostua ez da inoiz izanen merkatuko balioa baino handiagoa.

- Deialdi honi dagokionez, ez dira gastu dirulaguntzarritzat joko inbertsio gastuetara bideratutako diru kopuruak, ez eta zeharkako kostuak edo kudeaketa kostuak ere.

#### **Hamaikagarrena.- Balorazio-irizpideak.**

Eskaerak 0 eta 100 puntu bitarteko eskalan baloratuko dira, irizpide hauei jarraituz:

##### I. Esperientzia (30 puntu gehienez):

a) Azken lau urteetan administrazio publikoek finantzatuak izan diren garapenerako hezkuntza eta sentsibilizazioko proiektuak exekutatzeko entitate eskatzaileak izandako esperientzia baloratuko da. Proiektuaren kopurua eta diruz lagundutako zenbatekoak hartuko dira kontuan.

- 1-4 proiektu bitarte: 2,5 puntu.
- 5-7 proiektu bitarte: 5 puntu
- 8-10 proiektu bitarte: 8 puntu.
- 10 proiektu baino gehiago: 12 puntu

Lortutako dirulaguntzen zenbatekoa:

- 0- 8.000 euro bitarte: 2,5 puntu
- 8.001-30.000 euro bitarte: 5 puntu.
- 30.0001-80.000 euro bitarte: 8 puntu.
- 80.000 euro: 12 puntu

Balorazioa egiteko, proiektu exekutatuak III. eranskina betez deklaratu beharko dira (eranskin horretan adierazitako informazioaz bestelakoak ez dira kontuan hartuko). Gainera, deklaraturako jarduketek puntuak izan ditzaten, haien frogagiriak helarazi beharko dira, haien ebazpenaren kopia edo dokumentu baliokidea atxikiz. (Erantsitako agiri bakoitza, izendatuko da III. eranskineko "identifikatzailea" zutabean adierazitakoaren arabera.

Bi apartatu horietan lorturiko puntuazioa 1,25ekin biderkatu ahalko da, baldin eta esku-hartzea Nafarroako Parlamentuak aurreko bi ekitaldietako edozeinetan finantzatua izan bazen eta haren jarraipenari balorazio positiboa ematen bazaio. Horretarako, eskaera-inprimakian azaldu beharko dira labor ordura arte lorturiko emaitzak eta jarraipenerako arrazoiak.

##### II. Proiektuaren kalitatea (55 puntu, gehienez):

a) Proiektua gauzatuko den egoeraren eta ingurunearen azterketa (10 puntu gehienez).

b) Kronograma (5 puntu gehienez).

c) Helburuaren, emaitzen eta jardueren koherentzia (10 puntu gehienez).

d) Adierazleak eta egiaztatze-iturriak (10 puntu gehienez).

e) Herritarrek parte hartzea eta boluntarioritza sustatzea (5 puntu gehienez).

f) Genero-ikuspegia jasotzea (10 puntu, gehienez).

Proiektua lagungarria da emakumeen eta haiek munduan duten kokalekuaren ikusgaitasunerako; gaitasunen sendotzea eta emakumeen autonomia sustatzen ditu.

g) Esku-hartzearen garapenean eragin dezaketen kanpoko arriskuen edo faktoreen analisia (5 puntu, gehienez).

III. Aurrekontuaren deskribapena (15 puntu, gehienez).

– Aurrekontua deialdian jasotakoari egokitzea (5 puntu, gehienez).

– Gastuaren beharrak justifikatzea: giza baliabideak, baliabide materialak... (10 puntu, gehienez).

Ez dira baietsiko 50 puntu baino gutxiago lortzen dituzten eskaerak.

Eskatutako dirulaguntza bera emanen da. Lehentasun-ordena ezarriko da lortutako puntu kopuruaren arabera, eta dirulaguntzak esleituko dira harik eta aurrekontu-izendapenaren mugara iritsi arte. Prozedura horren arabera dirulaguntza

lor dezakeen azken proiekturako eskatutako diru kopurua handiagoa bada haren finantzaketarako eskueran dagoen diru kopurua baino, instrukzio organoak zilegi izanen du, Dirulaguntzei buruzko azaroaren 9ko 11/2005 Foru Legearen 20. bis artikuluan ezartzen denari jarraituz, onuraduna premiatzea bere eskaera birformula dezan, konpromisoak eta baldintzak eman daitekeen dirulaguntzara doitzeko.

#### **Hamabigarrena.- Errekurtsoak.**

Deialdi hau oinarri arautzaile hauen bidez eta Dirulaguntzei buruzko azaroaren 9ko 11/2005 Foru Legean ezarritakoaren bidez arautzen da.

Deialdi honen aurka errekurso hauek jartzen ahalko dira:

– Aukerako berraztertze-errekurtoa, Nafarroako Parlamentuko Mahaiari zuzendua, hilabeteko epean, deialdi hau argitaratu edo jakinarazi eta biharamunetik hasita.

Administrazioarekiko auzi-errekurtoa, Nafarroako Auzitegi Nagusiko arlo horretako salan, bi hilabeteko epean, deialdi hau argitaratu edo jakinarazi eta biharamunetik hasita.

**I. eranskina**  
**2023ko ekitaldian Garapenerako Hezkuntzarako eta Sentsibilizaziorako proiektuak egiteko dirulaguntza-eskaera.**

Izen-abizenak		NAN	
Hau ordezkutzen dut:		IFZ	
Helbidea		Posta kodea	Herria
Telefonoa	Posta elektronikoko helbidea		
Esku-hartzearen izena			Non egingen den
Eskatutako zenbatekoa	Kostua, guztira	Exekuzio epea	
Ordainketa aurreratua eskatzen dut (bai/ez)			
Nafarroako Parlamentuak 2021ean edo 2022an diruz lagundutako esku-hartzea (bai/ez)			

2023an zehar garapenerako hezkuntza eta sentsibilizazio proiektuak egiteko dirulaguntzen deialdian ezarritakoarekin bat (.....ko .....aren ....(e)ko ... NAO).

Bertan ezarritako betekizunak betetzen ditut.

Eskatzen dut aintzat har dadila eskaera hau, honako agiri hauekin batera:

**Dokumentazio orokorra:**

- Entitate eskatzailearena:

- Nazioarteko Lankidetzako Espainiako Agentziak daukan GGKEen Erregistroan inskribatuta egotearen ziurtagiria, deialdia argitaratu baino urtebete lehenago eginga gehienez ere, non aipatuko baita Nafarroako Foru Komunitatearen lurraldean kokatuta dagoen ordezkartza edo egoitza.
- Erantzukizunpeko adierazpena (II. eranskina):
- Transferentzia bidez ordaintzeko eskaera.

-Entitateen elkarte izanez gero, aurreko puntuan adierazitakoez gain:

- Eratze-agiria.
- Funtzioei, eginkizunei eta zenbatekoari buruzko agiria.

- Dirulaguntza aurretiaz ordaintzeko betekizunak betez gero:

- 9.1 oinarrian adierazitako agiriak

**II Baloratzeko dokumentazioa:**

– A) Esperientzia:

- Azken lau urteetan administrazio publikoek finantzatutako Garapenerako hezkuntza eta sentsibilizazio proiektuen zerrendadun taula. (III. eranskina).
- III. eranskinean zehazturiko Garapenerako hezkuntza eta sentsibilizazio proiektuak aurrera eramateko dirulaguntzak ematen dituen ebazpenaren kopia.

– B) Esku-hartzeari buruzko oroitidazki teknikoa.

– C) Oroitidazki ekonomikoa

Sin.

Iruñean, 2023ko .....aren ....(e)(a)n.

**NAFARROAKO PARLAMENTUA**

**INFORMAZIOA ETA ADOSTASUNA (Europako 2016/679 Erregelamendua, datu pertsonalen babesari buruzkoa, eta abenduaren 5eko 3/2018 Lege Organikoa, datu pertsonalak babesteari eta eskubide digitalak bermatzeari buruzkoa).**

Aipatutako araudia betez, honako hauen berri ematen da, dirulaguntza-deialdi honetan parte hartzearen Nafarroako Parlamentuari emandako informazioa dela eta:

Erantzulea eta helburua: Nafarroako Parlamentuak tratatuko ditu datu pertsonalak, eta **“Kontabilitatea eta kudeaketa ekonomiko-finantzarioa”** izeneko tratamendu sisteman sartuko dira, dirulaguntza-espeditenteen kudeaketa administratiboa xede bakarra izanda.

**Legitimazioa:** helburua oinarritzen da legezko betebeharraren baten betetzean eta Nafarroako Parlamentuaren ahal publikoen egikaritzean, funts juridikoa honako hau izanda:

- 11/2005 Foru Legea, azaroaren 9koa, Nafarroako dirulaguntzei buruzkoa.
- Nafarroako Parlamentuaren 2012ko Kontabilitate Plan Orokorra, egokitua Kontabilitate Publikoko Plan Orokorra onesten duen apirilaren 13ko EHA/1037/2010 Aginduari (2010eko apirilaren 28ko 102. EAO).
- Nafarroako Parlamentuaren erregelamendu ekonomiko-finantzarioa, 2020ko urtarrilaren 27koa. (2020-02-07 NPAO)

Eskubideak: horrekin batera, hau ere jakinarazten dizugu:

- Nafarroako Parlamentuari eskatzeko eskubidea duzu zure datuak eskuratu, zuzendu, ezabatu edota lekualdatzeko, mugatzeko eta haien tratamendua errefusatzeko, bidezkoa denean. Nafarroako Parlamentuan (Navas de Tolosa kalea 1, 31002 Iruña) edo posta elektronikoko [dpd@parlamentodenavarra.es](mailto:dpd@parlamentodenavarra.es) helbidean eska dezakezu.
- Eskubidea duzu zure datuen babesari buruzko erreklamazioa aurkezteko Datuak Babesteko Bulegoan.

**Gordetzea:** Datuak gordeko dira Nafarroako Parlamentuko Artxiboaren antolamenduari eta funtzionamenduari buruzko Arauetan xedatutakoari jarraituz. Arau horiek 2000ko maiatzaren 15ean onetsi zituen Nafarroako Parlamentuko Mahaiak, eta 2000ko ekainaren 8ko 48. Nafarroako Parlamentuko Aldizkari Ofizialean argitaratu ziren.

## II. eranskina Erantzukizunpeko adierazpena

Honen bidez, ..... jaunak/andreak (NAN zenbakia: .....), ..... ordezkatzuz

2023ko ekitaldian Garapenerako Hezkuntzarako eta Sentsibilizaziorako proiektuak egiteko Nafarroako Parlamentuak egindako dirulaguntza-deialdia dela-eta

Honako hau adierazten dut nire erantzukizunaren pean:

Ordezkatzen dudan entitatea ez da honako ezein egoeratan erortzen:

- a. Epaia imoz zigortua izana dirulaguntza edo laguntza publikorik jaso ezin izatera.
- b. Konkurtso-deklarazioa eskatu izana, kaudimengabezia-deklarazioa jaso izana edozein prozeduratan, konkurtsoan egotearen deklarazioa jaso izana, esku-hartze judizialaren pean egotea, edo desgaiakuntza jaso izana Konkurtso Legearen arabera, amaitu gabe egonik konkurtsoa kalifikatu duen epaian zehazturiko desgaiakuntza-aldia.
- c. Administrazioarekin egindako edozein kontraturen suntsiarazpen irmoa eragin izana, suntsiarazpen horren kausaren errudun deklaratu izanik.
- d. Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak araudi indardunean ezarrita dagoen bateraezintasun-kasuren batean egotea.
- e. Ordaindu gabe edukitzea zerga betebeharrak, Gizarte Segurantzarekikoak edota Nafarroako Foru Komunitateko Administrazioari edo haren erakunde autonomoei ordaindu beharreko zorren gatiko betebeharrak.
- f. Egoitza fiskala paradisu fiskaltzat kalifikatuta dagoen herrialde edo lurralde batean edukitzea.
- g. Ebazpen irmoz zehatua izatea ezin dirulaguntzarik jasotzera, betiere jarraiturik dirulaguntzei buruzko azaroaren 9ko 11/2005 Foru Legeari, tributu-legedi orokorrari edo emakumeen eta gizonen arteko berdintasunaren arloko legediari. Ez dute onuradun-izaera lortzerik izanen foru lege honen 9. artikuluko 2. apartatuan aipatutako elkarteek, haien kideetako edozein egonez gero aurreko debekuetakoren baten pean.
- h. Elkartea izanez gero, Elkartzeko eskubidea arautzen duen martxoaren 22ko 1/2002 Lege Organikoaren 4. artikuluko 5. eta 6. apartatuetan ezarritako debekuen pean egotea, eta inskribatzeko administrazio-prozedura etenik edukitzea, arau-hauste penalaren zantzu arazoizkoak egoteagatik, aipatutako lege organikoaren 30.4 artikuluan xedatutakoa aplikatuta, kasuko erregistroan inskribatzea ahalbidetzen duen ebazpen judizial irmoa jaulkitzen ez den bitartean.

Halaber, adierazten dut baditudala hori guztia frogatzen duten agiriak, eta Nafarroako Parlamentuaren esku jarriko ditudala hala eskatzen zaidanean.

Era berean, ordezkatzeko dudana entitatea goiburuan aipatzen den dirulaguntzaren onuradun geratuz gero, jakinarazten dut konpromisoa hartzen dudala entitateak deialdiko bederatzigarren oinarriak ezartzen dituen betebeharrak guztiak bete ditzan.

Sin.

Iruñean, 2023ko .....aren ....(e)(a)n.

*Erantzukizunpeko adierazpen batean sartutako edozein datu edo informazio funtsean okerra edo faltsua izanez gero, edo funtsezkoa den baten bat bertan jaso ezean, edo erantzukizunpeko adierazpena administrazio eskudunari aurkeztu ezean, orduan, adierazitakoa betetzen dela frogatze aldera kasua bada eskatzen den dokumentazioak edo komunikazioak erakarriko dute ezinezkoa izatea erasandako eskubide edo jarduna egikaritzen jarraitzea halako zertzeladak egiazaturik gertatzen diren unetik aurrera, ezertan galarazi gabe izan litezkeen erantzukizun penal, zibil edo administratiboak.*

**III. eranskina**  
**2023ko ekitaldian Garapenerako Hezkuntzako proiektuak egiteko dirulaguntzaren eskaera**

Izen-abizenak		NAN	
Hau ordezkutzen dut:		IFZ	
Helbidea		Posta kodea	Herria
Telefonoa	Posta elektronikoko helbidea		

Azken lau urteetan administrazio publikoek finantzaturako Garapenerako hezkuntza eta sentsibilizazio proiektuak:

Esku-hartzearen izenburua	Betetze aldia	Zenbatekoa	Finantzatzailea	Identifikatzailea
1.				
2.				
3.				
4.				
5.				
6.				
7.				
8.				
9.				
10.				
11.				
12.				
13.				
14.				
15.				
16.				

Eranskin honetan deklaraturiko proiektuak bakarrik hartuko dira kontuan. Hamaikagarren oinarrian ezartzen den bezala, balioetsiak izateko beharrezko dute dokumentuz frogatuta egon. Horretarako, "identifikatzailea" zutabean adieraziko da deklaraturako proiektua justifikatzen duen agiriaren izena.

Identifikatuta egon ezean, ez dira kontuan hartuko baloraziorako.

Sin.

Iruñean, 2023ko .....aren ....(e)(a)n.



**IV. eranskina.**  
**Oroitidazkiaren edukia**

**OROITIDAZKI TEKNIKOA**

1. Esku-hartzearen deskribapena:

Egin beharreko esku-hartzearen laburpena. Hauek azaldu behar dira:

a) Egoeraren azterketa. Esku-hartzearen arrazoia.

b) Helburuak, emaitzak eta jarduerak. Jardueren deskribapena.

c) Adierazleak eta egiaztapen-iturriak.

2.-Eskuhartzearen jarraipena

Proiektuak 2021ean eta 2022an Nafarroako Parlamentuak finantzatu dituen kasurako Laburki azaldu ordura arte lorturiko emaitzak eta jarraipenerako arrazoiak.

**OROITIDAZKI EKONOMIKOA**

Aurrekontuaren azalpen laburra, gastu partida desberdinak deskribatuz eta justifikatuz.

Kalkulu liburu bat erantsi behako da, Excelen, aurrekontuko datuekin.